

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
KANTONALNO TUŽILAŠTVO  
ZENIČKO – DOBOJSKOG KANTONA

Broj: T04 0 KT 0062602 25  
Zenica, 21.03.2025. godine

OPĆINSKI SUD U ZAVIDOVIĆIMA  
-Sudiji za prethodno saslušanje-

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku Federacije Bosne i Hercegovine (ZKP F BiH), p o d i ž e m,

OPTUŽNICU

*Protiv:*

E. M. zvanog „K.“, osuđivan i to: *Presudom Općinskog suda u Zavidovićima broj ... od 03.11.2009. godine zbog krivičnog djela iz člana 371. stav 1. Krivičnog zakona Federacije Bosne i Hercegovine (KZ F BiH), na kaznu zatvora u trajanju od pet mjeseci, uslovno jedna godina; Presudom Općinskog suda u Zavidovićima broj ... od 28.09.2010. godine zbog krivičnog djela iz člana 173. stav 1. KZ F BiH, na kaznu zatvora u trajanju od šest mjeseci, uslovno jedna godina; Presudom Općinskog suda u Gračanici broj ... od 27.02.2012. godine zbog krivičnog djela iz člana 294. stav 3. KZ F BiH, na novčanu kaznu u iznosu od 500,00 KM; Presudom Općinskog suda u Zavidovićima broj ... od 26.09.2012. godine zbog krivičnog djela iz člana 287. stav 2. KZ F BiH, na novčanu kaznu u iznosu od 500,00 KM; Presudom Općinskog suda u Zavidovićima broj ... od 08.01.2013. godine zbog krivičnog djela iz člana 286. stav 1. KZ F BiH, na kaznu zatvora u trajanju od četiri mjeseca; Presudom Općinskog suda u Zavidovićima broj ... od 29.11.2013. godine zbog krivičnog djela iz člana 316. stav 2. u vezi sa članom 31. KZ F BiH, na kaznu zatvora u trajanju od tri mjeseca; Presudom Općinskog suda u Zavidovićima broj ... od 30.05.2019. godine zbog krivičnog djela iz člana 290. stav 1. KZ F BiH, na kaznu zatvora u trajanju od dva mjeseca; Presudom Općinskog suda u Slavonskom Brodu broj ... od 08.09.2020. godine zbog krivičnog djela iz člana 226. KZ/11, na kaznu zatvora u trajanju od dvije godine; Presudom Općinskog suda u Zavidovićima broj ... od 15.07.2021. godine zbog krivičnog djela iz člana 222. stav 4. u vezi sa stavom 1. KZ F BiH, na kaznu zatvora u trajanju od jedne godine, uslovno tri godine i Presudom Općinskog suda u Zavidovićima broj ... od 09.10.2024. godine zbog krivičnog djela iz člana 293. stav 1. KZ F BiH, na kaznu zatvora u trajanju od šest mjeseci, uslovno dvije godine,*

*što je:*

dana 01.02.2025. godine, u vremenskom periodu između 16,00 i 17,00 sati, u Maglaju, u mjestu ..., silom pokušao spriječiti ovlaštena službena lica Policijske uprave III, Policijske stanice Maglaj, u vršenju službene radnje koje su preduzeli u okviru svojih ovlasti pri obavljanju poslova čuvanja javnog reda i uhićenja lica kojom prilikom je službena osoba lako tjelesno povrijeđena,

na način da je po dolasku policijskih službenika PS Maglaj, A. Š., N. B. i E. N., koji su upućeni na njegovu adresu stanovanja ..., kako bi realizovali Naredbu Općinskog suda u Zavidovićima, Odjeljenje u Maglaju broj ... od 19.12.2024. godine, kojom je naloženo lišenje slobode E. M. i kao nasilne osobe sprovođenje u prostorije Javne zdravstvene ustanove Kantonalni zavod za liječenje od ovisnosti u Zenici radi smještaja u cilju izvršenja zaštitne mjere obaveznog liječenja od ovisnosti od alkohola u trajanju od tri mjeseca,

u alkoholiziranom stanju sa koncentracijom alkohola od 2,78 promila i sa sjekirom u ruci izašao pred navedene policijske službenike koji su u tim trenutcima njegovu suprugu E. M. upoznavali sa razlozima njihovog dolaska i obavezom realizacije sudske naredbe, te počeo da zamahuje sjekirom prema policijskim službenicima istovremeno im se obraćajući riječima: „*Ne prilazite mi, neko će biti povrijeđen, mogu doći i specijalci, mogu me upucati, nek vas dođe i dvadeset, ali jednom će letiti glava!*“, nakon čega su policijski službenici N. i A. prišli istom u namjeri da mu bezbjedno oduzmu sjekiru i da ga liše slobode, kada je E. zamahnuo sjekirom i tom prilikom je policijskog službenika A. lako tjelesno povrijedio, a potom ga je N. uhvatio za lijevu a A. za desnu ruku, te su mu oduzeli sjekiru, dok je E. cijelo vrijeme pružao aktivan otpor i opirao se lišenju slobode i tada je povukao za sobom N. i A. i svi zajedno su pali na tlo, da bi im prišao i policijski službenik E. N., koji je E. uspio, dok je ležao na tlu staviti sredstva za vezivanje – lisice na ruke i tako je E. lišen slobode,

kojom prilikom je policijskom službeniku A. Š. nanio laku tjelesnu povredu u predjelu glave u vidu oguljotine kože na lijevom čelu (lijevoj strani čela) koja mu je konstatovana u JU Dom zdravlja Maglaj, iako je znao i bio svjestan da opisanim radnjama sprečava policijske službenike u vršenju službene radnje koje su preduzeli u okviru svojih ovlasti, kojom prilikom može tjelesno povrijediti iste, što je i htio,

dakle, silom pokušao spriječiti ovlaštena službene osobe u vršenju službene radnje koju su poduzeli u okviru svojih ovlasti pri obavljanju poslova čuvanja javnog reda, pri čemu je službena osoba lako tjelesnom povrijeđena,

čime je počinio krivično djelo „Sprečavanje službene osobe u vršenju službene radnje“ iz člana 358. stav 3. u vezi sa stavom 1. i 2. sve u vezi sa članom 28. Krivičnog zakona Federacije Bosne i Hercegovine (KZ F BiH).

*Radi toga stavljam,*

PRIJEDLOG

*dokaza koje treba izvesti*

1. U smislu člana 78. KZ F BiH predlažem da se od osumnjičenog E. M. oduzme i uništi drvena sjekira dužine 40 cm sa metalnim sječivom dužine 8 cm, koja se nalazi deponovana u PS Maglaj, a oduzeta od osumnjičenog prema Potvrdi o privremenom oduzimanju predmeta broj ... od 01.02.2025. godine.